

內

臺

集

刊內臺集序

鵬自壬辰從事臺末獲受教浚川公臺下見公於退朝之餘卽肅肅入院臺理政事稍暇卽爲文著書蓋無一時休焉因嘆曰大人君子之學體用一源顯微無間政根於學學達於政固如是哉子夏曰仕而優則學學而優則仕其斯之謂歟乃竊錄其與諸名公鉅卿往來論辯問答贈送之作辭與文若干篇刻之東省以傳蓋仰嘆公嗜學之篤終身不衰而所以經濟天下者有具因以見鵬之受教於左右者得益爲良多

也其他生平文章詩賦則有家藏集已先刻之
爲世寶矣此特緒餘耳然非浚川公意也

嘉靖丙申孟秋二日巡按山東監察御史沁陽

晚學生張鵬頓首拜識

內臺集卷之一目錄

雜詩四十九首

古宛轉歌二首

塞上曲

送盛希道

蒲蘆亭述感

胡封君安人雙壽

治宅

赴闕

出城

西山憶舊遊諸君子

聞空河

懷彭景俊先生

送方西樵閣老還山次韻

懷何粹夫

送胡仲器少司寇

和寄馬中丞敬臣惠酒

遊觀音巖二首

悵歸吟

贊治堂歌贈桂洲夏宗伯

旅思

夏日懷故園親友

首夏

土菌貽陳省齋

短歌行

艾如張

送胡太常九峰

壽曾強菴六十歌

甲午書懷四十韻

輓張中舍二十韻

送王庸之宮諭南都掌翰二首

奉和序菴閣老元旦和方西樵閣老韻
奉和序菴閣老元旦和羅峰閣老韻

時雨

遊西山

送黃筠溪致仕歸瓊州

恭和

皇上郊祀大報歌

嘉靖甲午

皇上郊祀歌五首

漢宮才人拜月歌

陽峯贈張崇象學士

歸興

乙未書懷

早春臺中作二首

雨中自酌

送錢桐溪出鎮兩廣

漫興四首

春暮出城作

寄嚴介溪太宰

三月晦日

宮詞三首

內臺集卷之一目錄終

內臺集卷之一

浚川王廷相著

後學王光濟門人劉希杜校

雜詩

古宛轉歌二首

桂宮濛濛廣帷舒紫簫惻惻鳴聲徐流商刻羽
奉君嬉愛而不戀空躊躇歌宛轉宛轉秋思長
天上雙星隔河漢分明夜夜遙相望

其二

紫微近天玄津遙欲來不來誰能招白露溥溥

以爲集卷之二
一
濕珠袍西風颼颼淒淒絳綃歌宛轉宛轉秋思深
不虞覲面九疑峰空令窈窕傷苦心

塞上曲

早行霜滑滑烏啼都門柳丈夫排國難驅馬如
龍走出門語少婦不謂行當久誰堪金微淨復
移玉關守寄衣常苦遲得信常苦後玉關寒苦
倍金微磧裏雲沙帶雪飛祁連山頭凍殺雀夜
夜征人泪濕衣

送盛希道

天上辭簪紱雲中被羽裘枯禪空面壁達聖欲

乘桴至藥傳新訣三年應遠遊
颺輪如不惜爲我到嵩丘

蒲蘆亭述感

蒲蘆亭子何蕭索卉木陰陰清入扉
赤日黃塵聊駐節斜風冥雨忽沾衣
委階萱草全無賴倚架薔薇本自稀
白首宦遊南更北幾時河上問魚磯

胡封君安人雙壽

南極壽星秋出海人間難老應長生
春來鳩杖元能健月裏綃衣太劇清
閑日素書開抱朴有

時玄鶴引雙成靈芝瑤草山中滿不羨蓬丘把
袂行

治宅

長安鬱鬱久遊客栖息聊營一畝宮門巷春閑
無俗謁圖書日夕對高春映階老檜有餘翠隔
苑垂楊自作叢鳴玉朝回忻爽豁蒿垣深媿古
人風

赴闕

客塗從所適南北豈情戀苦節自心性遠遊生
嗟歎江山曾大豁風塵鬢毛換吾道埃靜勝渺

哉復誰辯

出城

八月天氣澄毒暑散無跡近山風雨霽落日煙
華碧偶獲出郭遊聊逐送歸席曠覽意不盡掃
卧泉上石

西山憶舊遊諸君子

西山終日好却恨往來稀出郭生情戀逢僧說
道機佳人不共賞舊事已多違偶一乘休暇躋
攀忘却歸

聞窰河

黃河百川長改鑿計虛陳難輓崑崙勢誰如大
禹神徒令成四溢無復賴通津故國愁心在田
園幾處貧

懷彭景俊先生

劒閣蠶叢古蜀州風塵飄轉記同遊層陰冥雨
華陽夜急峽喧江白帝秋興激每勞賡楚調氣
豪相對弄吳鉤誰堪十載天涯夢流水閑雲無
處求

送方西樵閣老還山次霍渭厓韻

辭却青雲卧白雲江湖廊廟已平分寵光不戀

蓬萊闕閒散惟尋鷗鷺羣誰向橫流甘勇退從
來倦翼厭飛奔樵山峰頂瞻堯處應祝昇平
禮夜薰

懷何粹夫

一從學士還山阿王屋天壇佳氣多靈芝瑞草
日生長鳴鸞舞鶴頻來過旅食淹留吾自媿躬
耕蕭索君如何眼底蒼生未蘇息白頭吟望空
雲蘿

送胡仲器少司寇

曠跡去人遠幽然臨水扉山空豆苗長溪暖鰕

魚肥白社依僧靜
深林見客稀
罷官如釋負
不直淨心機

和寄馬中丞敬臣惠酒

淮上名尊至懸知故友情
和衷君子德徹底聖人清
獨酌江花發歡歌山鳥賡
何時接簪組一訂歲寒盟

遊觀音巖二首

遊山去城遙賞心迫春暮
聊乘浴沂興果協臨淵趣
陽林發旭光澄空捲晴霧
紛妍花映渚驚聒鳥鳴樹
偶爾息塵駕幽然採芳杜
雖非金谷

豪頗亦遂良晤望闕空遠心懷鄉柰長路人事
靡定準天道任來去銘鼎竟何爲浮華沄朝露
古賢隨代滅江山宛如故不如邀同懷揮觴豁
秉素

其二

巖巒枕清江佳勝藹紛錯朋宴忻春晴遊衍踐
宿約岑岑江上磯崿崿雲中閣二儀聊展眺太
虛共栖泊風帆座下飛倒影盃中落久厭城市
喧忽此神情闊長曲興不極孤簫時聞作升高
出煙靄乘幽坐林薄漫詫圖南鵬莫羨飛仙鶴

吳帝古宮苑今人已耕鑿此道可類悟請君重
行樂

悵歸吟

朝彈中散琴暮鼓曾點瑟曠劫誰同二子懷此
曲安得今人識我從華路三紀餘風塵蓬勃疲
行車法冠突兀丹華陞不獨腰間懸玉魚名成
知止大賢造角巾藜杖當躊躇斷鰲有劒莫輕
棄匣取龍華護寶書古來賢達厭機巧富貴勲
榮安足道羲和西去無停輪轉見韶顏日枯槁
歸尋麋鹿伴閒釣滄浪川我懷塵外逸人羨地

行仙闌干馬齒如冰雪何年頓悟王陽訣嵩丘
揮手謝時人遙逐長風弄秋月

贊治堂歌贈夏宗伯

君成贊治堂我歌雲龍篇龍德九五荷

明主雲飛直上從九天君不見傳巖之築嗟胥
靡夢裏分明動天子一朝欲起贊經綸遂使殷
邦成靖治又不見隆中讀書觀大略抱膝潛光
嘯幽壑感激帝胄與馳驅坐見炎精輝五嶽明
良遭際古稀有一語相知更天授迂儒閉戶空
草玄執戟爲郎已白首君今儒術真古人翰苑

尚書自致身雲龍感會衆所美好施霖雨調陽
春

旅思

野雲蕭蕭逐我迴西從閩苑東蓬萊偶傳靈藥
足自寶持示世人番見猜不知黃鵠幾時到縱
有素書誰與開旅食淹蹇斷消息故園風雨空
池臺

夏日懷故園親友一首

齋居日冲靜不覺時令侵鳴鳥已驚聒喬木森
夏陰披襟承緒風况拂龍唇琴故人本同調幽

事阻相尋飛鴻勞錦札素夢迷遙岑世氛苦未
謝悵望空遠心

首夏

首夏氣候澄浮陰早猶濕濃萼映堦舒碧樹捲
簾入美人嗜清坐鳴禽復攢集夙心孰與諧撫
景空佇立

土菌貽陳省齋

河壩多名菌皎如芳玉芝雖非金琅玕鳳來不
苦饑承筐遠相贈頗與佳人宜冲素奉清德肝
膈生華滋豈獨商山叟皓首深相期

短歌行

日居月諸常年東流到海不還聖道悠悠如天
苦心何必草玄少年躍馬行邊直欲勒銘燕然
邈哉英雄無端老大垂念徒憐姜翁直釣渭川
董相恥阿時權龍劒誰將破山感時多故長嘆
世間萬事浮塵惟有壽命可珍無分難逢至人
講求藥物未真丹砂鍾乳戕身靜養三田罔神
白髮如雲日新不須泣下沾巾請君守道安貧
樂天俟命奚云

艾如張

蕭艾蕃蕃置羅者誰黃雀啾啾呼其兒來來食
蟲豸詎意蒼蒼間胥爾雀連蜷不能飛嗟嗟雀
千里萬里不能助胡釋爾憂脫爾機遙天曠地
饒所栖神龍冥冥彼安施羅爲

送胡太常九峰

升高望不極朔雲鬱嵯峨君子有行邁揚舲發
江沱平生抱墳典經世諒匪他大道贊兩儀修
辭乃餘波鳳鳥鳴虞庭光彩協天和至治垂八
埏神應豈在多行行躡天雲悠悠隔川阿執手
野躊躇送子以浩歌

壽曾強菴六十歌

先生閉門讀素書恥向人間競名字行年六十
逍遙仙帝之外臣無乃是豫章王子昔作逆
殺人流血江爲赤三司達官盡首鼠臨危惜命
甘囚執嗟公忠義懸日星孤憤蹴踏廬霍傾仗
劒走謁中丞臺率衆義起勤王兵乘風一炬彭
蠡焦淮王飛鰲安能逃功立藏名不受賞義氣
直與秋爭高况今令弟復才雄出入給事明光
宮濟時疏受

天子知坐取公卿如摘蒙難兄難弟古稀有荀

氏八龍二龍秀仲也文章翰苑前伯子豪賢古
人右醴酒不設穆生羞長卿悔作梁園遊人生
際會豈有極君不見班超白髮仍封侯

甲午書懷四十韻

神龍翔太虛變化一何捷天上玉麒麟不受塵
土褻自昔高朗士獨立視萬劫世緣不入懷泰
華等丘垤予生藉性真冲幼乃秀越九齡賦詩
句十三慕文訣二十登鄉書三十謬朝列遊翰
不見知司諫困奄孽再起中臺史復罹鬼域舌
妻非成竄逐低回任顛蹶遠羈荒海濱空望紫

雲闕淹蹇四十餘天日始昭晰隱霧豹乃變汲
泉井已渫督士燕蜀齊宣力謝疲薊闡道後詞
華養正崇修潔至今所稱述得士多人傑五十
志業就持憲長湖臬靡憚翼虎狂日培修馳蜚
雖寡澄清勲頗致奸蠹滅撫蜀不須吏貳兵贊
九伐南都大司馬留鑰寔綰挈營校久積苦一
一事籌閱貪帥非所甘筑卒乃依悅 詔返總
臺符仍握營旅節今年六十一鬢化半如雪回
檢舊履塗隙景驥一瞥子興方著書尼父未停
轍夜來夢西周心事猶硬烈篋中無餘金貞修

豈汗巖守道恥外管何愧影與睫澤雲無浮陰
甘泉多橫洩丈夫志弘濟豈必懷巖穴寸心不
惜苦孤蹤柰薄劣堯舜昇赤霄天地無破裂
自從嘉靖來政本極澄澈廊廟多才賢寵光亦
殊絕龍媒由駕馭越都見蹀躞卽事切歎慕撫
已仍迂拙事主當委質竊祿豈予屑未遂補勛
華終然愧稷契

輓張中舍二十韻

天人乘間氣元愷有遺良雅欲追賢軌真能擬
大方欣逢千里駿快覩九苞凰矯矯巖廊器謙

謙儒素行揆謨齊董賈揮翰逼鍾王黃閣調元
地嚴君相業光孤忠 當宁眷至治海隅康楊
賜家聲大韋賢世德昌人皆藉門闕子獨淡軒
裳念國憂虞遠趨庭論諫長鵬圖不自侈龍德
更深藏少待應名世何煩羨肯堂道方深典訓
病已切膏肓無處乞靈藥誰能問彼蒼斯文嗟
晦蝕上士忽淪亡斗下精芒散人間正氣傷空
留文苑傳誰草太玄章白日疑眉宇中朝失棟
梁莊生醒大夢顏子剝遺芳徒切忘年義仙標
已渺茫

送王庸之官諭南都掌翰二首

翰苑神仙府留都山水寰不應圖治日却放侍
臣閒東觀存英論丹墀虛上班聖明憂社稷
早晚召君還

其二

帝闕江光動金陵寶氣浮昔人玉樹歌今代翠
華留官府多清暇公卿足燕遊因君南舸發不
覺憶同仇

奉和序菴閣老元旦和西樵閣老韻

明堂禮樂朝元日黃閣文章大雅吟上宰逢春

多逸興高賢經世更同心慚予謬附鵷鸞籍憶
昔曾陪翰墨林久矣相觀崇素節直將身事比
兼金

奉和序菴閣老元日和羅峰閣老韻

斗轉青陽度天迴玉律春對時忻

聖政調化賴元臣日月輝黃道雲霞護紫宸遭
逢非偶爾圖報敢謀身

時雨

濕雲晨出山冥雨夕不歇流膏潤郊野隨春佐
生發葱蒼變上林清瑩淨北闕稼植奄長畝國

計諒靡缺已舒官長懷豈茲農父悅

遊西山

偶從西山遊浮靄滿幽谷臨春水木茂度岸沙
澳曲中有玉華僊閒將素書讀我欲從此休冥
心附幽獨

送黃筠溪致政歸瓊州

前年應詔來帝都今年應詔歸海隅巨卿榮
祿等脫屣完名全節真良圖野雲蕭蕭出山又
作澤歸來亦不後留侯還訪赤松師綺季終尋
紫芝友海上雲霞擁玉宸洞天鸞鶴隨飈輪玄

洲璫島迥遺世角巾鳩杖真閒人先生往哉意
何極百年義分存匪石臨岐贈劒雙龍精把向
青天三歎息古賢儒術仍貞廉可惜丘壑常相
淹海內烝黎待援手白頭南望空雲巖

恭和

皇上郊祀大報歌

一陽回於星紀兮日南至以分冬

帝迎長以郊禋兮乃祗報乎昊穹方燔柴以禋
燎兮泰神右茲牲牡

德馨香以昭假兮豈獨玉帛之致隆祉紛紛以

攸綏兮薄海外以率服世皞皞而無虞兮大有
慰於聖衷兆民仰茲覆庇兮百工交戴而忭
舞臣竊效雅人之嘉告兮願天眷有始而有終
聖子神孫克紹寶曆兮宰臣亦世濟其美泰階
恒平而人文日煥兮邁黃虞以加崇

嘉靖甲午

皇上郊祀歌五首

翠壇迥出青天外寶位高連紫極宮不假羣仙
相接引

聖人遙在五雲中

又

南天北天星斗輝上壇下壇香霧霏不緣
玉帝排雲下那得靈風颭羽旂

又

至日裡郊暖氣還仙輿縹緲出人間珠簾盡
捲龍袍見歲歲都人識

聖顏

又

大裘冠冕紫雲袍奠玉升壇拜次寥縱是晴宵
宜對越多儀猶恐

聖躬勞

又

祀罷圓丘饗慶成
殿庭鍾鼓徹宵鳴
鳧鷖魚藻周京宴
何似今

皇樂太平

漢宮才人拜月歌

君不見漢宮才人艷花朵
一中君心寵誰過朝
隨玉輦暮僊橋到處匡床得陪坐
各貪寵幸矜
嬌麗對面相歡背相忌
暗中繡出錦盤龍
獻取君王求得意
迎年競勸長春酒
酒飲長春願長

壽更祈天意，憐人夜裡拜。月還拜，斗一迴拜。
月一迴，老轉眼，君恩不長保。宮女如花寵，更新
前日蛾眉等秋草。含顰掩淚，曳羅衣，一別昭陽
竟不回。春日粧成捲簾坐，羞見梁間雙燕飛。

陽峯贈張崇象學士

陽峯屹屹楚江濔，白鵲仙人舊隱栖。衡嶽蒼梧
分氣象，蓬丘方丈接雲霓。春來花鳥仍多事，夢
裡川原自作迷。莫漫尋幽倍惆悵，玉堂黃閣正
堪躋。

歸興

二月燕京氣漸暄暖風晴日散千門盈盈苑柳
齊含翠格格水禽相對喧白首欲憑蒼玉杖青
春能負紫霞尊迷途尚覺滄洲遠羊仲何時與
晤言

乙未書懷

我已行年六十二跼蹐闕下仍鳴璫素懷虛擬
愧稷契衮職無補空巖廊釣臺入夢水活活耕
畝回首山蒼蒼逢春莫遣百憂集携客看花還
舉觴

早春臺中作二首

客裏青春生事微日煩公牘興全稀嵇康嬾散
終遺世張翰沉冥早息機林下樓臺惟月共河
壩鳬鷺待人歸白頭莫更論踪跡潁谷箕山願
已違

又

瀾天雲霧作春陰回首關河客思深翠篠濃花
懷舊賞啼鵲鳴鴈逗歸心山中瑤草幾時掇海
上仙槎未易尋猶自瞿瞿了官事終年間却伯
牙琴

雨中自酌

早上春雲暗遠天卽看靈雨滿皇川玉橋汨汨
響新漲上苑冥冥生夕煙鶯語轉枝濕亦好柳
條弄色青可憐出門車馬苦沾洒番得先生一
醉眠

送錢桐溪出鎮兩廣

中朝將相盡推公出鎮蠻荒帝命崇玉節行
秋懸皎日樓船跨海靖妖風仲淹西去延州重
馬援南來楚塞雄指顧多方成廟略直從麟
閣擬深功

漫興四首

我有一畝宮蕭蕭兩蝸舍燕來擇所安豈是憐
王謝

又

一琴几上閒數竹窗外碧簾戶閒無人春風自
吹入

又

庭階草卉積何異在林墅石榴花亂開多承夜
來雨

又

翠薜沿垣迥纖荷出水遲雨榴紅的的風柳淨

絲絲

春暮出城作

莫怪尋幽置酒頻，西湖湖上可憐春。
菱波泛舸清堪挹，藉草揮觴意最真。
野鷺王佳情性遠，柳絲桃朶歲時新。
劉因倘在山深處，就爾移家豈厭貧。

寄嚴介溪太宰

紫簫吹月夜厭厭，月上樓臺酒半酣。
自別僊翁多少思，春來無夢不江南。

三月晦日

芍藥含香晴拂拂垂楊飛雪晝濛濛春風明日
辭人去到手金杯可放空

宮詞三首

雲髻蛾眉紫鳳笙三千隊裏獨分明君恩莫作
尋常看一別昭陽便隔生

又

宮使傳呼駕出忙芙蓉小苑盡生香長門深鎖
無由見不及飛花遶玉牀

又

瀛丘仙子上宮妃慣舞霓裳奉紫微自別昭陽

閒度日月中空曳五銖衣

內臺集卷之一終

內臺集卷之二目錄

雜詩

丙申年 扈從謁陵歌十首

預卜壽宮

恭紀

皇上祀陵三首

送蔡半洲總督兩廣軍務有序

濛雨

遣興十首

秋感二首

憶歸

送胡邦中學諭之嘉興有序

送張尹還治有序

送虞大理侍養南還

何廣文望雲卷

九月晦日

來鴻操爲顧中舍作

杜子材示宴黃錦衣園亭之作因次其

韻酬之

和陳省齋韻二首

搖落

正月十七夜飲謝汝湖宅次顧未齋韻

二首

感春次唐飛霞韻

丁酉正月二日作

望陵有述

遠別曲

恭奉

皇上西湖泛舟有述

三月三日作

正月十七夜 郊壇回謝汝湖留飲

丁酉扈從春祭 山陵十首

昌平道中

昌平山行七詠

送林司空還山次韻

有序

扈從 陵祀二首

恭和

聖製謁陵紀述韻

贈磐山道者就次其韻

再次韻贈唐飛霞

送甘几山令兄歸蜀

寄何粹夫

送王邃伯謫官

送酒謝汝湖學士

奉同謝汝湖詠顧未齋梅花三首

六十四作二首

奉賀序菴閣老新居

奉賀桂洲閣老新居

題彭太史萱草圖

送宋維翰府幕

送左衛夫令懸縣

太行路送仲禮大叅

清望閣

昭恩樓爲汪太宰作

杜研岡以黃白二菊見貽仍次其賞菊
韻謝之

贈毛東塘先生三首

贈唐山人

思歸引

春日六言

輓張南園先生

贈陳封君

春日

扈從

山陵絕句

送栗判仁甫二首

寄弟子材

遊水頭寺

恭陪

明堂大祀有作

院中齋居

秋日閒居二首

戊戌秋祀

山陵扈蹕有作

戊戌十一月朔日恭遇

皇上薦號

皇天上帝改諡

太祖高皇帝陪祀喜而有紀

贈周厚山總督宣大軍務

戊戌長至郊祀紀事

宿韓道士房述興二首

扈駕南巡恭和御製詩一十三首

扈駕南巡途中紀賜一十四首

丙臺集卷之二

內臺集卷之二

浚川王廷相著

後學王光濟門人劉希杜校

雜詩

丙申扈從謁

陵歌十首

三千法從趨承恪十萬貔貅羽衛親父老道旁
呼萬歲聖人真與物同春

又

先皇陵墓寶山隈歲歲惟供遣奠杯誰料紫雲

香殿裏 至尊親執玉珪來

又

白日蒼山午更晴旋開 黃幄引公卿清涼不
藉流泉氣龍到風雲宛宛生

又

七胡七騎遁陰山萬里橫戈沙塞閒想像
文皇舊時事至今神武照人間

又

囊書曾上 敬皇時聽納 恩深祇自知當日
小臣今白髮 陵園瞻拜却成悲

又

岸草菲菲輦路芬千官簇擁
聖明君星辰蓋
轉三花樹龍虎旗翻五色雲

又

九龍池水碧如苔玉帳虹旂對水開池底鯨魚
莫愁思我
皇不爲射蛟來

又

萬山廻合羽林軍山外旌旗望不分欲識
聖人行在所五雲隨處結龍文

又

飛龍馬色蓋雲飄不惜流埃上袞袍兩月再行
誠孝思炎氛無乃聖躬勞

又

十二龍旗向曉開行宮肅肅即仙臺詞臣獻罷
長陵賦不數甘泉侍從才

預卜壽宮

嶺環陽翠蒼龍遶突出神峰霄漢邊金井不須
開寶穴萬年天子是飛仙

恭紀

皇上祀陵三首

躬秉園陵祀 先皇肇鴻典邇從三朝來淪
廢惟攝遣大聖欽古儀幽明盡高覽敬以因
心生禮緣尊祖展感茲春載陽雨露亦已泫
仰惟俎豆陳不憚山原遠妥靈虔祀掃備物效
精腆寘漢旣歆慰氓庶亦觀感卓哉曾孫謀永
惟道化衍卽事契聖衷舊章誠不愆周武稱
達孝今昔詎能辯

又

執事已夙戒發駕及茲晨星月當霄懸鏡吹
凌風聞禁旅直三殿營兵羅九閭居守敕重

卿護從先元臣 至尊揚纛出冠劍武且文華
蓋錦盤龍駿馬金飛雲野營羽騎合行殿霞靄
紛 諸陵躋天中鬱鬱佳氣蟠明禋冀來格往
跡悲無存大業徵繼述庶協聖者倫

又

聖懷嘉古昔曠禮修 園陵祀罷緬以眺鑾迴
紆所經前輿導 慈幃飛輅從列卿清麗原野
春芬馥花柳榮宮禦阻遐步巖岫暢逸情旣賞
龍池勝復泛西湖澄鳳吹切雲隈龍舸沿衡汀
微颺淨波瀾華日逗空明幽絕擬蓬壺彷彿承

仙靈非效泰運啓安睹樂事仍

送蔡半洲總督兩廣軍務有序

伏以九重眷顧深契丹衷三事浚明允
宜峻擢恭惟兵侍蔡先生閩南秀質臺左
僊僚體究古經洞明世務才通變以濟時
學執中而合道忠言讜論期致主於唐
虞大節高風許成身於稷契志切澄清方
卓中臺之軌望隆文武忽提兩廣之師殆
式遏乎三苗將折衝乎萬里克追召虎疆
理之功不讓賈生經制之略光贊熙朝

允升洪業廷相雅同僚案仰止高明輓節
鉞以無由慨著龜之日遠聊述韻語奉揆
光華終慚贈劔之章莫罄歌驪之美

龍書玉節承恩重暫輟中臺撫桂林飛海風
雲驚戰伐洗天霖雨淨氛祲營平圖上金城略
葛亮威降孟獲心請看蠙珠與白雉日南重譯
總來琛

濛雨

初疑散冥霧漸覺效微涼螢火未沾濕流屏仍
夜光

遺興十首

苦吟吳下徐昌穀幻出斯文百代先千里馬能留色相排雲真骨杳難傳

又

杯看滄海塊蓬壺逸氣誰當鄭善夫莫歎形神
儻化去高文終古動寰區

又

康子文章迥絕塵不緣出處亂天真已齊楊馬
收時譽更與巢由作後身

又

疏越朱絃大雅吟始知清廟有遺音峽江迫阨
湍瀾出可是空同太劇心

又

大復天才冠兩都鏘金鳴玉廟廊趨于今耆舊
誰文苑轉覺斯人絕代無

又

後來誰擅六朝奇君采分明別綴詞不與豪賢
爭氣格只將婉雅作人師

又

散逸長年何粹夫天壇王屋卽僊都何時星象

催還

闕拋却金廂五嶽圖

又

道外別傳出世心更能一粒變黃金
葛洪山上真人在流水桃花深復深

又

澄心白坐誰傳此後進沾沾總誤
叅若問唐虞何事業安民平世豈空談

又

老去性情耽靜寂春來花鳥導歡娛
陶公若得

辭彭澤賀監那須乞鏡湖

秋感二首

歲光不相貸日促鬢成絲從宦那能暇勞生恒
鮮怡空懷遺世志難遇采真師漫說逍遙樂蒙
莊爾寓辭

又

秋風吹大野候鴈已知歸媿我羈栖客終年與
願違白雲安有意鷗鳥本忘機何事衡門下幽
然空釣磯

憶歸

立朝日凌兢在野自高賢簪紱良爾拘文書還
相煎何時對滄洲散誕如神僊披襟引兒童倚
杖行瓜田

送胡邦中學諭之嘉興

有序

賢哲奮庸式成於訓育條章指授允賴於
師儒是以禮先庠序之倫詩詠鳶魚之化
匪由英範曷懋斯文振作繫茲選掄特重
恭惟廣文胡先生學探淵源性成真率玉
姿凝潤鵬運扶搖沉靜可以鎮浮朗達尤
堪濟務卽此懿標允成士類豈獨溫故可

作人師茲者承 恩北闕掌教南邦樂塞
泮水之芹清對西雍之鷺行占狂簡斐然
成章佇見譽髦邈矣上達南閩人士盡宗
伊洛之傳貞觀公卿半出河汾之教廷相
仰惟光彩莫罄敷陳聊掞蕪詞用貽遙別
生平秀發關河嶽自有文章合典墳此去鐸聲
應振世向來劒氣欲凌雲行憐泮藻香宜客莫
歎黌櫺冷滯君門下多賢堪輔國燕然那用勒
高勲

送邑侯張公還治

有序

伏以郎官出宰上通列宿之躔惠政宜民
下應大河之潤北人稱慶大德感天恭惟
浹北先生才猷渙發學問淵閑愷悌如春
清廉若水運機生色聊施製錦之工迎刃
而開小試牛刀之割民沾實惠吏服至公
豈有神明之稱豈惟父母之戴廷相念惟
桑梓重荷 幙幪聊揭燕詞用揚休美

浹北山人舊草玄河壩作宰美無前古來惠化
幾循吏今日清風見大賢黃霸政成還入相旌
陽道勝更登僊何當大慰蒼生望麟閣流庸與

世傳

送虞大理侍養南還

瞻雲懇上依親疏拱日猶懸戀闕情
薊北風煙隨去舫越南山水候歸旌
慈烏芳樹呀呀語萱草幽欄薺薺生
到日潘園饒樂事即看萊綵照春明

何廣文望雲卷

遊子辭親悵遠途縱調九鼎亦何須
春來怕種忘憂草日裏愁聞返哺烏
已覺萊衣淹歲月徒令鄉夢遶江湖
青山望斷仙庭隔惟有孤雲足

畫圖

九月晦日

西風吹林歲欲暮浚野先生仍遠遊沙鳥屢回
梁苑夢江籬徒抱楚人憂行藏漫附蓬萊客情
性終便滄水洲疏傅黃金未成賜苦將衰鬢對
清秋

來鴻操爲顧中舍作

鴻飛奕奕兮翩然來思顯茲嘉告兮匪漸羽儀
君子有穀兮承天之禧惟鴻之靈兮示爾先機
一解鴻飛翩翩止我堂下噦噦載鳴孰測其故

爾鴻智思應氣而趨爾鴻義思一匹弗渝抗志
萬里兮極雲日江湖浩淼兮慎出入爲世臣貴
兮豈燕雀之可及胡不邁霄漢兮來爾集

二解

事有兆於外兮道有先啓其祥鬼神持於秘密
兮匪人力之獨臧龍馬負圖於河兮羲八卦以
造始麒麟呈瑞於魯郊兮孔春秋以明志岐山
鳴鳳鳥兮周王之徵雲氣結龍文兮漢祖以興

三解

嗟文華之逸秀兮矯日侍乎楓宸豈獨詞

翰之炳麗兮行醇和而近仁忽天資以申寵兮
先來鴻以呈瑞撫賢哲而匪私阿兮信天人之

交會四解帝高卽以昭融兮神變化而靡窮兮
禧善熾而殫滛慙兮赫下監而不遺兮正爾行
之彌昌兮厥好修以爲常兮保茲鴻之嘉祥兮
庶越世而允臧兮五解

杜子材示宴黃錦衣園亭之作因次其
韻酬之

貴家筵列綺上客饌烹魚絃管烏聲亂沉檀花
氣踈柳塘分野色桂館擬仙居宴罷詩還就遙
承小篆書

又

隔檻搴芳草臨池看躍魚鳥還入境寂花落樹
光疎詎意塵囂市畚藏水竹居老夫空雅興不
奉宿賓書

和陳省齋韻二首

議國寧無補爲臣良獨難賈生饒治策疏傳豈
閒官龍澤還須沛鵬盟且自寒匪躬能不懈轉
益兆人安

又

垂拱逢堯帝羣工志易舒巖栖多彙進朝列盡
貞居恃有丹心在休嗟白髮餘司刑令秉鉞禍

亂正須鋤

搖落

搖落秋風裏開門黃葉深
烏啼曾宿樹雲返向來
岑服食誰仙術虛空即
道心羈懷忽解脫瑤瑟
爾知音

正月十七夜飲謝汝湖宅次顧未齋韻

二首

簫鼓鏗鎗催拂舞謝家庭
館夜張筵光風暗轉時
聞蕙明月遙臨不費錢
遁野尚淹塵外駕逃禪
真學飲中仙舊來心膽
輪囷在豪宕何須歎

昔年

又

帝里風華元夜後寶燈花樹尚宜人千迴金縷
娛情地百斛醪醺爛醉春自幸龍門今附翼底
須龜筮更求隣瀛洲仙侶中朝彥詞賦年年出
格新

感春次唐飛霞韻

春意自融人意非羈栖苦憶浚陽歸丹砂未効
素髮在山色常青故友稀可憐莼萼向人發不
分沙鴻作伴飛忽枉高篇淨塵想赤霄蓬島欲

振衣

丁酉正月二日作

昨日之日何劇暖今晨飛雪忽驕陰負巖生態
梅自足拂樹寒輝鵲不禁江船新水寄書便京
邸芳醪酬節深髮已星星歸未得春來虛擬紫
芝吟

望陵有述

天壽山高流水深多年松檜已蕭森諸陵環抱
龍如躍七聖仙遊玉不沉造化生成原有此
鴻荒開闢盛于今漢家何似高皇業猶恨終南

是背陰

遠別曲

萬里音書特地來
龍沙消息罷頻猜
君顏未見心先見
一日須看一百迴

恭奉

皇上西湖泛舟有述

湖上宸遊今勝事
舊來山水益精神
飄花作態如迎仗
飛鳥貪權欲近人
雲裏鳳韶仙樂下
春前玉醴壽杯頻
詞臣應制呈新曲
說出昇平氣象真

春雨

燕子來時水遶臺尋芳欲試探春杯淙淙惱殺
連朝雨不放桃花及早開

昌平道中

帝城西下昌平甸綠野青林似故鄉戴勝鳥來
蚕女急棠梨花發酒朋狂衡門逸老夢空返柱
國大夫憂正長已忍遲回思何限逢春徒爾費
平章

昌平山行七詠

城中貨貝來口外車馬過都人自射利相公得

香火

右狄梁公廟

古城已東徒猶有古官道道上行人稀年年長

春草

右昌平舊縣

澗水朝猶寒澗草春已碧草上泥沙團恐是虎

行跡

右白虎澗

前望柳林村遙遙在高處走馬及村看都是杏

花樹

右柳林村

面壁已大覺西來有深戒山僧頭白盡不曾出

門外

右大覺寺

瀛沸山上泉會作山下瀟水冷不可濯纓綏且

塵土

右冷泉

金山一回首北望 壽山長隱隱諸陵處雲

霞正鬱蒼

右金山口

送林司空還山次韻

有序

辭榮弗處君子知止之明守道完歸人臣
善終之義恭惟小泉林先生三朝耆德八
座具瞻克勵股肱允惟柱石方期霖雨濟
時遽意風雲息駕超然雅志邈矣高風廷
相義切舊僚情深別都門車馬莫遂攀
留雲海旌麾徒爲瞻企乃承嚴韻聊綴鄙

詞用代驪歌以申遐慕

得歸林壑謝 彤庭位極名完士美并漸遠岩
廊瞻日近乍辭簪紱覺身輕從教世事浮雲變
且喜幽懷秋水清白髮盤桓松菊裏幾人高節
似泉明

扈從 陵祀二首

青山翠壑 宸遊悅麗日祥風物候宜玉輅暫
辭雙鳳闕霓旌遙拂九龍池舞紛柳綴迎 仙
蹕歌奏鶯韶勸 壽卮自是太平饒樂事從臣
爭獻 謁陵詩

又

天開鑾轡盤龍谷龍氣浮空龍不還此日松梧
遙悵望舊來弓劒杳難攀弘垂大統山河固仰
賴遺謀日月閒有道曾孫躬展謁精靈如在紫
霄間

恭和

聖製謁陵紀述韻

日軫皇圖運 睿腸園陵彝典更恢張雲
霞擁護知天佑父老懽迎見世康遠並堯文光
煥煥不齊周德頌洋洋微臣扈從慚無補但祝

嵩年未有疆

贈磐山道者就次其韻

蓬丘東望海霞飄翠羽仙人紫鳳毛我欲相從
問奇事碧天空濶鶴飛高

再次韻贈唐飛霞

飛霞仙客興飄飄七十年餘未二毛來往九寰
觀化遍不知人世有崇高

送甘几山令兄歸蜀

瀘川今秀彥上國幸相聞野鶴原難豢遊龍自
不羣秋山黃葉下霜路塞鴻紛歸到栖閒地清

溪足卧雲

寄何粹夫

逸調甘岑寂平生一布裘閉門黃葉寺拄杖綠
楊洲誇詡人懷玉支離氣食牛冥心獨吾友常
卧太行秋

送王邃伯謫官

古人幸見龍湫子皎皎貞心終不死世間揮霍
競繁華等作浮塵與秋水今年陞官來帝都
買宅陋巷仍貧儒三伏積雨深潢潦不嫌車馬
衝泥塗世人創見鳳鳥驚冰壺清澈誰能名偶

遭一語成妻非不覺豪賢畏後生風蓬莫歎飄
零遠到處神龍足雷電季鸞何用賦首丘司馬
重來未云晚

送酒謝汝湖學士

襄陵美酒斗十千況有桃花相對妍玳瑁筵開
聊一醉分明春到玉堂仙

奉同謝汝湖詠顧未齋梅花三首

尚書庭館生春早座裏梅花向客開我屬高陽
舊名飲揮毫却愧廣平才

又

冷蘂踈枝裊素霞每從冰雪散芳華不緣生意
先春動誰識江南第一花

又

憐梅曾汎三吳舸日遠江湖幾夢思閣老宅中
今再見隔隣橫笛莫教吹

六十四作二首

遠遊臨老自應嗔朝市山林到處貧朱紱雕輪
何物貴錦雲芳草暫時新人間省事惟須靜海
上求仙未必真浪跡猶懸千祿媿勞勞六十四
迴春

又

好懷日苦文書濁縱對華春亦惘然隔苑黃鸝
渾不見背城丹杏若爲妍又淹臺省真如夢一
到山林便是仙渚鷺汀鳬舊知己相將重結老
來緣

奉賀序菴閣老新居

去天尺咫三台府退食時常望紫微樓館輝
輝承日月池臺冉冉映雲霏衛公醉卧平泉石
裴相春閒綠野扉何似瀛西老仙客延賢開閣
盡朱衣

奉賀桂洲閣老新居

相公新第連雲構，擬絕長安萬井塵。
晉洞幽軒迷白日，飛樓層閣貯青春。
仙旌西閩來王母，佳氣東華近紫宸。
燕寢攸寧台候健，熊羆應入夢中真。

題彭太史萱草圖

遊子天涯未擬歸，慈闈壽綵已多違。
却慚堂背忘憂草，常對春風學舞衣。

送宋維翰府幕

星槎搖曳下南州，湖海分明此壯遊。
野客乍臨

璚玉島仙人遙識紫雲裘青蓮幕暖鳥鳴樹采
石江春花滿洲見說應官多暇日不妨長嘯謝
公樓

送左衛夫令黟縣

縣外蓮峯三十六鳴琴相對日從容文章瑞國
真儀鳳霖雨行天爾見龍楚俗會應成不變堯
人不獨盡堪封循良政契觀風使早晚囊書達
九重

太行路送曹仲禮大叅

艱哉太行路車馬何摧頽發軔方自茲摧頽將

安之道逢浮丘公贈我玉膏紫雪之靈液緣督
爲經轉神樞倏忽生羽毛不渴饑觀者駭謁者
嘻浮丘浮丘爲我一徘徊貽之兩黃鵠千里萬
里相提携北斗光光南斗離離黃鵠接翼天南
飛蓬壺有紫庭曾城有瑤池嗟哉爾鵠飛來歸

清望閣

清望樓臺春色深琪花芳樹午陰陰流鶯自是
多情物日向君王送好音

昭恩樓爲汪太宰作

綺樓飛構雲霞色樓上圖書

帝賜多玉軸牙籤懸日月龍文龜筴動山河傳
將子姓 恩尤遠留在 君臣義不磨歲暮欄
干莫頻倚恐驚霄漢隔煙蘿

杜研岡以黃白二菊見貽仍次其賞菊
韻謝之

歲事羣芳歇秋深菊獨奇承君貞素意贈我耐
寒姿艷艷黃金萼脩脩綠玉枝霜中挺高節搖
落故應遲

又

重陽過已久玉朶始呈奇雲鶴凌霜羽蓬仙出

世姿倘昇百子殿不羨萬年枝正值松醪熟相
憐未厭遲

贈毛東塘先生三首

重來遂良覲即事見天真英采今三益清朝更
幾人契緣情性合道與典謨醇日接揚雲席玄
談逾爽神

又

中臺崇秉直素抱自相依補袞吾何有持衡子
庶幾長風龍破浪曠宇日揚輝世望推文苑前
身劉孝威

又

閨苑神仙隊西江玉樹行巨舟帆瀚海磐石柱
明堂貞履三台近清氛九域長雍容並臺省何
幸藉餘光

贈唐山人

養真已效叅同術出世何須覓洞天綠髮頽顏
自難老靈芽浮雪最通玄壺公時遣青鸞劄玉
女偷傳鴻寶篇對客忘言意無盡從來大道本
融圓

思歸引

嗟嗟君何須一釣連六鰲陽侯弄波楚天高嗟
嗟君莫奪驪龍頷下珠不值龍眠蓋粉如嘉會
詎易逢稱心難巧圖哲人重惜千金軀君今滅
裂胡爲乎莫恃清修與直道直道難行取嘲誚
二叔不信周公誠匡人豈識仲尼貌覲面輸肝
肺背面即相忌平生莫逆友時變猶騰口死者
之徒生者徒翻手雲兮雨覆手不如及早還滄
洲遨遊五嶽脫拘囚懷仙竊附王子喬招隱學
作東陵侯有劒不倚天有纓不繫虜逍遙心閒
散侶尊朋酒羞庶脯白紵歌巴俞舞堂上鳴箏

堂下鼓君不樂兮歲云暮

春日六言

春晴日日可愛兀坐看書負簷鳥聲趁暖啼樹
花片隨風度簾人事底須較局世情都付沉酣
持此百年可遣苦惱先生試叅

輓張南園先生

三朝逸舊司空老八十生天福已饒南極壽星
觀化遍東溟仙客馭風遙空餘閣上圖書滿猶
自花前鶴鹿驕莫道英靈鎮長逝滇南文物有
遺標

贈陳封君

角巾藜杖藏珍叟，領得新封華袞如。
翰苑清銜重，朝列紫微。丹詔動門閭，三茅仙客迺遺。
世五柳先生真隱居，素節玄風自高尚。玉階曾不羨垂魚。

春日 扈從 山陵絕句

天澄氛祲滅，景麗雲霞和。窈窕宮車引，彷彿仙人過。

送栗判仁甫二首

秋來送客思依依，酒罷斜陽悵獨歸。
却恨不如

南去鴈馬頭相傍一行飛

又

道邊行色馬如龍
歌得新詩似國風
勸君莫惜臨岐醉
明日相歡只夢中

寄弟子材

羈人念鄉國
天際幾迴心
水泛孤城郭
風凋千樹林
鵠原歡賞隔
棣閣歲華侵
綠醕誰相勸
白頭仍自吟

遊水頭寺

祇林聊一眺
彷彿躡仙裳
碧水原非色
浮雲常

自閑雨堦花艷艷風檻竹珊珊始解閉關者栖
栖恒苦顏

恭陪 明堂大祀有作

明堂新啓祀朝列喜叨陪配侑 天心格尊崇
禰道恢玄靈森肸蠁瑞氣擬蓬萊欲撰維牛
頌慚非大雅才

院中齋居

膏燈朗芸室秋夕致齋虔兀坐厭鳴柝幽懷停
撫絃庭虛軒月上臺靜樹烏眠養寂諸緣滅非
關悟入禪

秋日閒居二首

端居杳無事天氣淨高秋
頤老香杭飯迎寒敝
緼裘吾生隨處得世計
幾人休却怪楊朱子
潛然奚所求

又

秋來頭驟白宦思未能裁
吏散有餘暇心空絕
點埃雖云從物役剩得
養生媒身世恒如此
羈愁安在哉

戊戌秋祀 山陵扈蹕有作

霜露 皇心惻 園陵祀不違
龍旂飄吹曳雲

騎簇塵飛發 駕朝乘輿連管輅
台圍提兵今 忝竊 扈從益光輝

戊戌十一月朔日恭遇

皇上薦號 皇天上帝改諡

太祖高皇帝乃一代盛典也臣廷相謬從陪祀
喜而有紀

無前 典禮觀維新有道 明王御宇辰號薦

皇天尊罔極諡崇 先祖報深仁蒿呼獸舞
群生悅化日卿雲百福臻何幸微臣叨侍從

玉壇 彤殿拜瞻頻

周厚山先生總督宣大軍務陽峰張先生有詩贈之雄渾悲壯可頌也一日厚山示予命予繼作遂賦此

靈蟠衡嶽高賢出才畧真堪代裏雄
遼海賢閭曾建節北胡南顧早聞風
不須振旅明三伐坐見先聲遁五戎
銘勒燕然像麟閣恩光還挹上台東

戊戌長至郊祀紀事

大駕禋郊日千官喜從行彤雲三殿合瑞氣九衢盈玉輅開黃道霓旌拂紫冥軍容肅上

將班列儼諸卿尊 祖心何極欽 天禮至精
陶匏存古朴黍稷效維馨月朗鉶儀便風微雅
奏清九寰昭感格一敬協靈明陽德忻長至神
禧仰慶成豐亨遍海宇還此莫蒼生

宿韓道士房述興二首

風煙澹時候臺館切天衢翠殿虛無裏瑤壇瞻
望餘羽人方丈室芸案七真書讀罷玄風入蕭
然世慮疎

又

日來耽大道猶自未焚魚寶帶橫腰重瓊簪貫

髮踈蓬僊何日得花甲六年除浪憶雲霄鶴傳
將海上書

扈

駕南巡恭和 皇上御製詩歌十三首

恭和

御製躬詣

顯陵渡河一首

聖主南巡慶有餘呈祥不羨躍舟魚自播虞風
動海宇更輝堯日照堪輿

恭和

御製春分祭

大明道中作

春氣平分祀日辰

熙朝典禮重維神攝行預

降 儲宮救簡令還于勲輔親南望尚馳 純
嶺念回瞻仍切 梓宮心明裡 大孝純王事
引領寰區仰 聖真

恭和

御製南詣

顯陵命駕出京自述二十韻

淵惟 帝裏曲緣 親多感傷至愛豈終極大
孝難窺量虞舜稱齊栗五十慕以長周武不解
衣問疾日三望 聖母一違和歷歲未平康膏
盲苦二豎鍼砭難遽忘時時懷悽怛念念神飛

揚旻天嗟弗弔 慈壽竟罹殃五內忽摧裂殆
無完腹腸臣工急奉 慰仰冀 大事襄南北
靡定擬日夜心遑遑卜兆先太峪猶疑涉匆忙
既欲送梓宮復恐失靈昌乃圖躬審睇效古后
省方一覽 純德山松枯儼成行 聖心即嘉
止百靈相扶匡稍移栖 龍穴規制更恢張疊
抱嶺廻合飛浮氣鬱蒼地道協昌符 皇圖成
允臧卓哉此 神謀精鑒無遺良

恭和

御製初閱 純德山喜而自得十韻

帝念二聖宅日切九迴腸欲求獲佳城豈憚
眺重岡右距虎沙伏左旋龍脉長形勝盡環拱
蔭祐應繁昌風雲護玄闕日月迴宮牆真
符玉帝居堪擬神仙鄉霸陵無寶玩安用恒
隄防鍾阜肇高祖純山今獻皇洪圖衍億
載郊鼎安足量神聖貽遠謀雲昆當弗忘

恭和

御製再開顯陵小歌

仰純山兮岌堯靈氛鬱兮干霄聖周覽兮
精鑒嗟不爽兮秋毫兆域定兮允吉復伊誰兮

曹嘯登廣原兮追念淚淋浪兮沾袍

恭和

御製漢江

郢阜崔嵬帶漢江古來川瀆配三光已含靈秀
開龍邸更發雲霞護帝鄉

又

陵園不改寶山初事往如存孝思舒地底靈
符仍自在日邊王氣亦相於台躔順軌時逢泰
瀚海寧波政已疏况復孝誠能格世昇平不
獨自天予

恭和

御製麥浪

粼粼連野復連山
樂歲今來喜再還
風起翠波清滾滾
雨餘華浪淨班班
省耘田畯春能急
舉趾農夫晚未閑
行見烝黎歌豐稔
况逢寬稅詔新頒

恭和

御製渡河再用餘字韻

聖主回鑾慶有餘
渡河天遣伏蛟魚
順風稔稔浮龍舸
瑞靄陰陰送玉輿

恭和

御製栢鄉定

陵次規制有感

燕楚相望俱

帝鄉爲緣親兆軫衷腸冥冥自

與神謀協

大聖安能念作狂

又

陵西雲路出羊腸瑞氣貞符未可量

請覽

純山最深處陰陰松檜已森昂

又

九吐龍池地脉長七攢星阜應天綱水環沙遶
堪形勝鳳翥龍蟠迥異常風氣多年涵秘化乾

坤何處有餘良 帝猷今擬真無尚人紀分明
見古皇

恭和

御製還駕至保定府取府名作一首

騎簇旌羅虹矯雲磨 聖主南巡樂事多又何
須宴瑤池遊閨苑奏雲和

扈 駕南巡途中紀 賜一十四首

賜緋羅衣

宮羅燦雲錦不類人間製爾旣服 君衣當思

服 君事

賜銀瓢

團團銀作瓢花樣黃金錯貴爾能酌斟不爲饑
與渴

賜方袋

五紋蒙賜袋尤覺帝恩深方體示直道虛
中戒素心

賜三事

寶義金錯刀中有象齒筴隨往利用足安事童
子鞞

賜畫扇

賜來摺疊扇清飈恒在手願 帝揮大筆 皇

風動九有

賜煙墩帽

官紗製帽簷璵珠飾帽頂午日得清涼意中每

深幸

賜鸞帶

彩苞靈鳳羽錦縷慶雲輝繫向花間行不見花

片飛

賜提繫

黃金作提繫熒熒相寶珠懸之腰帶間那復羨

垂魚

賜綵條

賜條長丈餘况復五彩鮮同爲扈從臣獨覺受恩偏

賜御賚銀

御賚內府金範作卮與匕置之食案間感恩何時已

賜竹葉清酒

飲酒藉酒力臣面頰以澤生成不假藉臣心自來赤

賜馬

賜出

天閑駿分明
注渥精須防
龍化去雷雨

莫教行

賜袖香

入袖薰肌體
因風透綺羅
香緣殊域貴
恩在

近臣多

賜面衣

霧縠新裁製
珍

頒出上方障
塵還護日滿
面

受恩光

內臺集卷之二終